

陶

齋

臧

石

記

甸齋臧石記卷七

後魏二

比丘僧曇爽造象

石上下缺損現高四寸五分廣五寸九分前一象後題名二行正書

上缺明主比丘僧曇爽

光明主萬持祖

魏正光元年五月

□玄墓誌

石四周竝殘缺約高一尺四寸七分寬一尺一寸八分十四行十七字字徑五分正書

魏故齊郡□□君墓□

君諱玄字澄字齊郡臨著人也漢故司徒公□□十世之孫根胃
新平流移齊□閨門孝□□邑□□籍甚聲騰遠迹矚望文武兼
懷功績班宣大魏永平初新除臨著令未久遷□□除齊郡降年
不永春秋八十二神龜二年於十一月廿六日卒□□元年歲次
庚子□月辛丑朔廿一日□□□□善南逢山之□阿大夜无
長冥□□□□□□齊華□□其辭曰

□殿名挨世範派馨孝□□神卜□單誠□□心汎□□情□
□□□松如楨稔□□儀□□□蔚若蘭香□□霧□卓□
□□□□□□□□和序允剋榮莅齊

原石舊藏王文敏家今爲匄齋尚書所得石剝落殊甚可見者

首行故齊郡君墓五字第二行君諱玄字澄字齊郡臨菑人也
漢故司徒公益湖其遠祖之官第三行有根胄新平流移齊郡
之語蓋言郡望新平遷徙齊郡也第五行有除臨菑令第六行
有除齊郡之文蓋敘其所歷之官又有神龜二年云云第七行
有元年歲次庚子云云當以神龜二年卒以正光元年葬其仕
履可知者如此而其姓不見考前漢淮陽國有新平縣後漢屬
陳國縣人無為司徒者新平郡則立於後漢新平初即今陝西
邠州治郡人當漢代亦無為司徒者唯後漢宣秉傳稱馮翊雲
陽人由御史中丞遷司隸校尉建武四年拜大司徒司直按漢
書百官志司直比二千石掌佐丞相舉不德秉以司隸校尉拜

此官其秩頗高故亦可省文稱司徒雲陽後屬新平歷魏晉不改故云根冑新平此澄冑豈秉之後與然不敢質言之也此石當出臨淄標題當云故齊郡太守□玄墓志下注正光元年日本鑄方德藏題爲魏故齊郡司徒君玄墓志神龜二年未審也若著爲古淄字冑爲古寂字金石文字多有之不復縷述

癸金石跋

楊守敬

右墓志第八行□月辛丑朔據通鑑目錄梁普通元年十月辛丑朔魏正光元年同月字上當是十字下云普南逢山謹按大清一統志逢山在臨朐縣西二十五里

元和郡縣圖志在縣

西二十二里隋開皇六年改臨朐縣爲逢山縣取山爲名殷諸侯逢伯陵之國漢書郊祀

志神壽元年祠逢山石社石鼓於臨朐水經注逢山即石膏山也上有石鼓鳴則年凶臨朐縣北至益都縣界二十里臨淄縣南至益都縣界十五里則逢山在臨淄之南矣太平寰宇記臨淄縣有逢陵故城在縣西北四十里左傳云齊大夫逢丑父與君易位為晉師所獲晉人捨之齊頃公獲免俗傳此即丑父之城逢山或即指逢陵歟唯云在縣西北為不駟耳

司馬景和墓誌蓋

石高一尺五寸七分寬一尺六寸五分一行墓字徑二寸誌字徑一寸二分銘字徑一寸正書

墓誌銘

後魏司馬景和墓誌銘石蓋乾隆己酉馮伯子補記題字在左方

按司馬景和墓誌未見馮登府金石綜例云景和以正光元年七月薨以庚子之年元柩之月葬於溫城西庚子即正光元年景和距其妻之葬五年始合葬也此墓誌蓋祇墓誌銘三字並朝代姓氏不書殊塵見王昶湖海詩傳小傳馮敏昌字伯子號魚山

比丘□□造象記

石象高八寸六分坐高二寸二分廣一尺十一行行三字有殘缺處正書

一九二年七月七日□丘□□為亡□父見□母敬□一佛□法界□生同□此福

右一九建元未知所出當為正光二字錢蝕之文

尹素和專

專長約一尺廣四寸八分正書

大魏正光三年四月廿三日

□州河間郡洛縣

□什人尹素和

右按魏書地形志河間郡有二一屬瀛州一屬青州此專州上一字與瀛相似定為瀛州之河間郡但兩郡俱無洛縣而有樂城此專洛字顯露無可疑疑魏收棄而未錄得毋在不

知則闕例耶

不知則闕地形志序錄

□□□師子孔□龍□聖次顧 皇帝陛下 □左右二 聖欽
明治同三光萬歲無疆下及蠕動蠢類一切□界衆生永斷五惡
趣常捨六道形速□□□心忽獲法津榮咸蒙慈顧故普登□□
□□然□□□安樂恒不傾越越百非□□□□□□□□長滿
足靈超堅固

大魏正光三年八月十一日遣

太尉府省事令史曲元賓造

右造捨記書執軍勁直逼刁惠公墓志汝南王元悅北魏孝
文皇帝子魏書本傳清河王懌悅同母兄為元義所害悅了無攀
恨之意乃以桑落酒候伺之盡其私佞义大喜以悅為侍中

太尉記稱侍中太尉公與傳合傳稱悅好讀佛經嘗斷酒肉
粟稻唯食麥飯悅蓋素性佞佛者宜其有修塔造像之舉也
太尉府省事令史品秩未詳魏書官氏志天賜二年正月置
散騎郎獵郎諸省令史省事典籤等士作土長作長漢魏碑
竝婁見

平珎顯妻李貞姬誌專

專高四寸四分廣亦如之三行首行六字餘各五字正書

正光四年十月故平珎顯妻李貞姬在此

張晉等造像

石高五寸二分半寬四寸五分七分行八字字壓四五分正書
有基格

大魏正光五年歲次甲辰五月庚戌朔廿八日丁丑

太后中宮眷屬士官□庶法界有形清信弟子敬造聖像三軀佛
弟子張晉等敬刊

曠野將軍石窟署□□君墓誌銘

石高一尺一寸八分廣一尺四寸九分二十七行行二十字正書

魏故曠野將軍石窟署□□君墓誌銘

君諱□字法智高平金鄉人也蓋黃帝之神苗周明王之□□州
牧金鄉君勇駱王□後晉車騎大將軍司徒公三世之孫秦驃騎
大將軍駙馬都尉之曾孫孝文 皇帝國子博士之少子庶金之
美葦頤於上□帶玉之禔輝煥於□辰 君□□□岫聳草蘭津

□□韞□□以□□衝勁風而耀□□亮之度稟自□真綺繡之
質□□論其□範則瑞珠弗能見其□語其之則則史□□
足□□雅復形同□倍□神□□天□□宇中□□力宏□
慕外風六典攬之於□□循內□□於懷抱常□非文
殊韻□大士傾身下問□□富輕人吐握□□不以多能自矜
臨坐□容若□□□□□□若烟雲霄岸 宣武 皇帝□
□□□□悟通眇□用曠野將軍石窟暑□似丞字□□□□
□□□□運深憲於峴峯抽□相□□□□□□□□及
其奇形異狀□□君之思□□□□□□地□孤夏何苗上天
□害□□良□□□□□十四大魏正光六年歲次乙巳正月丙

午□□日己酉終於營福署則以其月廿七日八□□問之□排
山構墓穿望起墳青松列於埏側蘭菊葡於□之偏納白日之暉
獨引明月之朗迺見者莫不彷徨迺聞者為之惻愴余不以管見
孤文敢陳陋頌且可刊石博可豈能熏益馨昧其詞曰 邈哉偉
識寔曰貞人雄姿挺世猛氣逸群拂纓□□濯足□津言成世軌
行合人神如何灾運鍾此良哲玉□正沉全燈永滅懸光晝閣風
雲夜結雕石刊文流□□矣 正光六年正月廿七日銘

右誌姓名皆泐所敘先世又皆不書名不能確定為何人之
後如云晉車騎大將軍司徒公三世之孫秦驃騎大將軍駙
馬都尉之曾孫攷晉書苻堅等載記秦為驃騎大將軍者有

楊定王騰二人又張天錫謝罪稱藩亦署為驃騎大將軍而皆不云為駙馬都尉且以其姓求之晉人官職鄉貫時代均無可相當者故並其姓莫能攷也國子博士第五品上階曠野將軍第九品上階據官氏志魏有諸署令石窟或即諸署之一誌中署下似係丞字此人當官石窟署丞蓋有令當有丞官氏志未及詳耳金史地理志河東北路石州有石窟鎮此所謂石窟或亦其地與高平郡隸兗州金鄉其屬縣也正月丙午下當泐朔字及四字朔日丙午則廿七日為壬申誌作八口蓋誤

錫齡案定五年未合造寺記有但以錄年未
投習立令始得或語據故文州世當是營字

征東將軍田壽造象記

專高一尺二寸四分廣一尺二寸六分記刻正中佛像下七行
行六字並題名六行均正書

大魏孝昌元年歲在乙巳二月十五日征東將軍田壽為父母康
延敬造寺勅像一區合家眷屬咸同其福

□堪石像主魏王□

□堪石像主魏蔭貼

□□石像主魏景□

□堪石像主魏顯 以上四行在象右旁

□堪石像主王賓好

□堪石像主苕澧漠 以上二行在象左旁

孝昌元年歲在乙巳此固不誤惟攷魏書孝明帝紀是年六

月始改年孝昌以前尚當為正光六年象造於二月中安得預題孝昌元年字觀上截佛象左右題名六行實係古刻此記七行字體既絕不類且鐫刻新舊跡亦判然不同疑此處原本無字或字已漫滅僖父遂刻此以售偽耳然原專實出於古且題名具在未可以此記並沒之也故仍著於錄而辨其偽於此焉

鄧完安造象記

石如鐘形高五寸三分
廣三寸五分四行正書

□信士鄧完安為身鬼像一區孝昌元年辛八月十五日
右鬼為造之謠字完是定字筆迹微異

吳安國墓碣

石高六寸七分寬四寸一分疊七行行六字額高三寸五分半
四周花紋二行行二字字竝徑四分正書

吳公之墓額

橫野將軍之君諱安國字伯激守麟閣載為□□□三界□□
之以善□□高山仰之□大代孝昌元□

按王文敏南北朝存石目有魏橫野將軍吳安造像疑即吳
安國或書人攷去國字目存石目係魏書官氏志橫野將軍

第九品上階

吳高黎墓誌

石上圓下平上截作甬形高一尺蓋五分之下截墓誌高九寸五
分共高二尺寬一尺蓋四分十三行行十二字字徑六分正書

有墓格

魏故士吳君之墓誌 君諱高梨徐州瑯琊郡治下里人也六世
駙騎府錄事叅江夏太守之孫負外散騎侍郎梁郡太守之子聖
世兗州城局叅督護高平郡事資洪源霄漢稟神光於峻岳推蘭
桂之英微發之妙嚮才器念惠事若天知正始元年冬十月十五
日卒於洛陽妻高陽許樂女樂為江夏王常侍以正光五年十二
月六日亡於弟孝昌二年正月丙午十三日癸丑權塋於北芒刊
石立記

右墓誌舊在河南洛陽趙之謙補寰宇訪碑錄汪鋈十二硯
齋金石經眼續錄並著錄誌云吳君徐州瑯琊郡治下里人

按魏書地形志北徐州領郡二次琅邪琅邪郡領卽卽費二
縣治下里未詳何屬琅邪郡北宋為沂州太平寰宇記承治
水出沂州承縣寰宇記承縣有故郛城漢為增縣地形志卽
卽注後漢晉屬有增城知承縣卽卽卽故地
西北六十里方山之東王莽改承縣為承治故水有此名或
卽治下里之名所由昉歟濱治水曰治下猶之濱洛水曰洛
下矣又云吳君之祖官驃騎府錄事叅江夏太守吳君官充
州城局叅督護高平郡事叅下竝應有軍字元魏無祇一
叅字官名竝
闕不書又非敝文殊不可解官氏志有諸局校尉諸局督事
都尉諸職而無城局之名有二大二公叅軍督護司空皇子
叅軍督護從弟一品將軍開府叅軍督護竝弟
九品弟二品將軍

始蕃王叅軍督護

從弟九品

而無督護郡事大都流外末秩為史

冊所弗詳所以墓誌標題亦祇稱故士吳君也北齊武平二

年石永興等造像記揭銜南潁川郡城局叅軍始沿魏氏舊

名尤為叅下應有軍字之碣證

隋書百官志齊制上上州刺史置府屬官有城局叅軍

又云孝昌二年正月丙午十三日癸丑權壩於北芒丙午當

書正月上是年歲在丙午正月朔迺辛丑若丙午朔十三日

安得直癸丑耶北芒即北邙元和郡縣志北邙山在偃師縣

北二里西自洛陽縣界東入鞏縣界舊說北邙山是隴山之

尾迺衆山總名連嶺脩亘四百餘里洪源下岐之字微發之

妙嚮當作發微妙之嚮均會響通作嚮易較辭其受命也如

嚮漢書賈山傳天下嚮應念惠即聰慧念与息同漢書郊祀志息明上通段借為聰論語好行小慧鄭注魯請慧為惠亡於弟弟作第非說文第本作弟韋束之次第也第特弟之或體今人兄弟孝弟用弟字次第門弟用第字彊為區分殊乖古誼唐蓋文達碑雍州開化坊里弟与此誌合北朝書體滿目慕蕪狀瑕不揜瑜閒存雅故如第作弟之類是已 又吳高黎誌石曹威大興孫氏見王文敏南北朝存石目

李謀墓誌

石連額高二尺三寸寬一尺六寸一分十八行行十九二十字不等字徑六分額六行行二字字徑一寸五分陽文並正書

大魏故介休縣令李明府墓誌

額

君諱謀字文略遼東襄平人晉司徒循之十世孫大魏青州刺史
貞侯之第二子也淺源綿緒既圖家□積譽連芳▲著話言君資
性沉毅弱不好戲幼而父所徧賞目以爲千里駒及年始十五容
貌甚偉堂堂然有徽望之稱粗涉文史略存梗槩而愛兵奇好劍
術慷慨有立功立事之志爲解褐拜厲威將軍介休縣令彼地帶
嶮岨山胡寇亂前後縣官未能遮遏及君莅任窮加搆討手自斬
格莫不震肅部內以宣君勇決英邁識量淹遠風鼓意業有可稱
者而逸駕未馳長路已謝正光四年歲次甲辰七月廿七日病卒
於洛陽顯中里春秋廿七至孝昌二年二月十五日薨齊郡安平
縣黃山里祔

使君之神瑩銘曰

生如過隙逝以驚川收芳大夜秘體窮泉朝盈松露夕湛丘烟一
隨化往万古無旋

子景躍年六

孝昌二年二月十日使持節都督青州諸軍事平東東將軍青州
刺史安樂王鑒念君遺跡追贈齊郡內史

右墓誌山東安邱縣出土誌稱李君遼東襄平人晉司徒循
之十世孫魏青州刺史貞侯之弟二子按晉書李循傳循字
宣伯遼東襄平人其為司徒在咸寧太康閒魏書李元護傳
八世祖循晉司徒景明初以元護為輔國將軍齊州刺史廣
饒縣開國伯三年夏卒贈平東將軍青州刺史子會襲李謀

即元護之子會之弟也青州刺史乃元護之贈官謚曰英侯則史弗詳据史元護為循八世孫誌云謀為循之十世孫則元護當為九世孫當是史誤誌稱謀解褐拜厲威將軍魏書官氏志厲威將軍第六品上誌又云葬齊郡安平縣黃山里安平宋縣屬齊郡北魏因之在今山東青州府臨淄縣東謹按大清一統志黃山在昌樂縣東南二十五里安邱縣在昌樂縣東南二十里李謀葬黃山里今誌石出安邱縣以地形攷之適合蓋黃山里在安平縣東南與今日昌樂安邱之間壤相錯矣誌末又云安樂王鑿念君遺跡追贈齊州內史鑿字長文安樂王長樂孫詮子見魏書文成五王傳此墓

誌未經前人著錄書勢秀逸不在司馬炳劉玉之下可瑤也

法義等造象記殘石

石高一尺八寸許廣一尺一寸許正書

張□汪

等侶存者稽胥海仁德

□歡

□立登侯伯□紹不杵

康□

孫世樹

魏孝昌二年歲在丙

康市奴

□康子羽廿七日丙寅

李□□

撰法義額造石像

康頁之

之□序

右下層缺首一行文義遠不可屬藉胃海□謂承世胃在海
濱也杵為古杵字凸似為世字剝蝕存其匡郭然世紹不杵
亦不審為何語則杵字亦誤孝昌二字僅可辨識是歲為丙
午末有之序字其以記為序耶不可知矣

道勇造弥勒象記

石分二層高一尺五寸下層刻十佛象記刻上層正書

魏建義元年歲次□申六月丁亥朔十□日癸丑青州齊□□浩
縣楊 寺比□□□道勇敬造弥勒□□□四面尊像上為皇帝
陛下復為亡父母七世目錄居家眷屬□登果者先□□□□
□願生生□□□□佛會并為一切□□輪迴□□咸同斯福

□女佛□□樹勝因

清信士佛

下泐

以下二行在記右側

□范遠之侍佛時

案建義元年歲次戊申申上所泐是戊字泐為丁亥則辛丑乃十五日也孝莊帝以戊申四月即位始改元建義至九月又改元永安中間用建義年號者僅五閱月象為六月所造故以建義紀年紀元編謂建義係是年三月改誤也魏書地形志青州所屬首齊郡郡屬縣首臨淄淄北碑皆作清清上所泐乃郡字臨字也者夫二字頗漫漶疑即書老二字

王直勲造彌勒像

石高四寸三分寬三寸三分一面鐫佛像已泐僅存方龕及二
後觀形一面字五行行六字字徑四分鑿兩側各鐫四侍佛上
題名姓各四行行三字字徑三分鑿成正書

永安元年十月一日清信士王直勲為七世父母見在眷屬造彌

勒玉像一區

已上五行在佛像背面

王直勲息始進息進族息景遵

此四行在左側右行

妻張娥始妻董進妻徐景妻張

此四行在右側左行

按見在之見俗作現非現訓玉光及石之次玉者史記項羽
本紀軍無見糧注無見在之糧漢書高五王傳文帝封悼惠
王子列侯見在者六人為王竝作見唐已前石刻雖出丞徒
客作之手往往有方難處如私弟不作第見在不作現皆是

兩側各鐫四立像即上題名姓者之像非佛像

東郡太守沈起專銘

專長八寸四分廣
四寸三行正書

大魏永安四年歲在辛亥

□月庚子朔廿二日辛幽州范陽郡

固安縣人東郡太守沈起銘記

右按永安為魏敬宗年號敬宗以肅宗武泰元年即位改元
建義復改永安其三年之十二月敬宗崩於晉陽魏書北史
並無永安四年之文通鑑目錄已於永安三年繫魏東海王
建明元年之號若永安之四年節閔帝為爾朱世隆所立改

東海王建明二年為普泰元年此專猶稱永安四年蓋亦有故是歲幽安營并四州行臺劉靈助自謂方術可以動人乃起兵自稱燕王聲言為敬宗復讎由是幽瀛滄冀之民多從之夫既為敬宗復讎必用敬宗永安年號所以永安有四年之稱此專銘之沈起正幽州部人其記永安四年以劉靈助事覈之可證其實通鑑目錄是年四月為庚子朔以庚子朔推之則廿二日當為辛酉此專之日字下尚存辛字之迹其奪去者酉字耳范陽固安東郡皆見魏書地形志

賈瑾墓誌

石上銳下平連類正中高二尺七寸五分兩旁各高二尺一寸寬一尺八寸二十四行行三十字徑四分額二行行三字字徑

一寸弱竝正書

賈散騎之墓誌額

君諱瑾□德瑜武威姑威人也祖父天符以才地高脾仕宋為本

州□

以主字

□□□府中兵叅軍條縣令高陽太守父敬伯禩美才

華州碑主簿頻翼二政後轉別駕入府為司馬出廣川平原濟南
魏郡太原高陽六郡太守皆以才効昇轉君稟玄中之妙氣資海
岳之冲精生而秀異偉犴端雅黜幸敏悟志度開廓儼尔有望畏
之威怡然有就思之惠學不師授理無隱伏越斃刃入北公之冢
室披玄臬開李老之妙門性仁恕好博施上汎愛貴久要性至孝
謹瞻候待疾嘗藥同痛瘍於一體進饍奉滄共虛飽於五内恩恭

悌順協穆閨門弘和肅愨導俗邦邑介其九思慙慙三端鋒銳清
談寫注則叨聞泉湧執管造素則筆端火然於是聲發丘園響聞
京國為皇宗英彥元恒之所友愛就家逼引為佾東府中兵叅軍
進入省為散騎侍郎端靜守分不闕推門時或遊集必是四方英
彥後為帝兄梁州柳為錄事叅軍凡所履歷皆非意趣負氣鬱快
才志不申而時無德揜令栖鳳掖翼不遇徐崔故卧龍睡伏福不
甄善年世而終主君哀慟僚友悲惜未婚無子兄膠州以第二息
晶為嗣晶字士光幼而聰令韶年後林哀毀有聞罷祖之童古今
而異其業尚英駿識智剛決志學之年稽三經之奧弱冠之歲精
五典之原言談清婉若幽閉含鏡援豪投點則素上綴珠才為時

求就家徵奉朝請俄轉通直散騎侍郎直復方立劾明世樹德當年回使暫歸卒□家時廿一即見悲悼與聞嗟惜膠州痛弟息之早終悲志業不遂惟緣情以折中述二亡之存意故二柩而一墳乃錫石而作誌云余

義々靈岳浩々東溟昭々君子含氣誕生資天樹義稟日開明德之德可名之名咨嗟五孝復矛六經行准道跡興言德音州閭敬羨京國桓欽文如錯寶□若砥金選賢湊訪迓戾臻尋甸寔蘭莪友必芳林

伉儷未媾猶嗣將替伊何繼體若子唯姪云誰封堪在茲令指丞嘗爾恭享薦芳潔義形形沉淪聲芳不滅

大魏普泰元年歲次辛亥十月丁酉朔十三日巳酉

此魏賈瑾墓志石為陶齊尚書所藏瑾字德瑜武威姑臧人按魏志賈詡傳武威姑臧人六世祖數仕魏始家廣川是賈氏為姑臧望族遷於青齊故賈思伯本傳稱益都人而思伯碑則仍稱為武威姑臧人也此賈瑾當為思伯之族祖父天符為宋府中兵參軍條縣令宋書百官志高祖為相合中兵直兵置一參軍州郡志冀州渤海郡有脩縣無條縣古書脩條錯出不可縷舉實一縣也志又云為皇宗英彥元恒之所友愛按魏書京兆王子推子恒字景安改名芝歷任太常卿中書監侍中後於河陰遇害又云後為帝兄梁州刺史抑為錄事參軍考魏諸王為

梁州刺史者唯陽平王頤弟衍賜爵廣陵侯位梁州刺史豈即
其人與又云一柩二墳是父子合葬亦所罕見志文拙澁如時
無德操令栖鳳撒翼不遇徐崔故卧龍睡疾未免擬於不倫又
如導悅邦邑後矛六經罷祖童古今而異皆甚費解他如出廣
川云云出下脫爲字時廿一云云時下脫年字悲志業之不遂
業下脫之字直窳方句亦有譌誤又痛傷作痛瘍侍郎作侍郎
焯煌作偉貌邱園作丘茵或沿俗書或因筆誤亦不得慨以通
段目之是作文者未爲大雅書丹者亦近草率而筆跡則風華
掩映與司馬景和妻墓志相伯仲此時代使然不可強也

楊守
敬士

癸金石跋

按誌云賈君祖父天符仕宋為條縣令宋書州郡志冀州

考

立勃海郡有脩縣無條縣隸釋趙相劉衡碑除脩令宋之脩

縣沿東漢舊名也脩與條通又與修脩互通史記周勃世家

勃子亞夫封條侯

高祖功臣表同

集解徐廣曰表皆作脩字駟案

服虔曰脩音條索隱地理志修縣屬勃海郡漢書功臣表作

修侯恩澤侯表修侯犯色師古曰修音條

陸雲夏府君誄百行味按君望斯周

栖侯初九取翼

周勃傳作條侯師古曰縣在勃海地理志作

脩字其音同耳宋祁曰脩當作脩集均音裊曰周亞夫所封

詩中谷有推嘆其情矣釋文脩本或作脩魏書地形志青州

勃海郡有脩縣郡領縣三重合脩長樂與宋冀州勃海郡領

縣同唯脩條又通滌漢蔡湛頌蕭滌而雲消即蕭條東魏高

字作脩耳

湛墓誌渤海滌人條脩脩滌五字互用其為地一也賈氏何年北徙誌文弗詳其敘賈君有云為皇宗英彥元恒之所友愛就家逼引為征東府中兵叅軍魏書景穆十二王傳京兆王子推子太興弟恒以春秋之義為名不以山川表求改名芝而肅宗紀蕭寶夤元恒芝大敗于涇州孝莊紀武泰元年四月河陰遇害者儀同三司元恒芝竝合新舊名書之此云元恒之所友愛之或芝字之譌官氏志神麤元年七月詔諸征鎮大將依品開府以置佐吏元恒逼引賈君為征東府中兵叅軍則元恒曾官征東將軍無疑可補史傳之闕又云帝兄梁州抑為錄事叅軍楊跋以帝兄梁州為陽平王子頤

弟衍按孝莊紀建義元年六月追封兄真定縣開國公子直
為陳留王獻文六王傳子直字方言靈太后詔封真定縣開
國公出為冠軍將軍梁州刺史子直孝莊嫡兄故稱帝兄梁
州衍於帝屬疑族與元恒芝等百元恒但稱皇宗衍何得稱
帝兄耶則是抑賈君為僚佐者沒為子直而非衍矣誌銘字
多通眉偉隄端雅隄即貌字兒貌本字唐鏡銘觀皇嬌來呂
夫人張氏墓誌容皇若常兒竝作皇隄加才旁即加旁而稍
眉目上汎愛上即尚字詩陟岵尚慎旃哉漢石經尚作上論
語草上之風孟子作草尚之風獲矛六經獲矛即優柔柔从
矛聲矛本字為蛇形蛇柔能屈伸故矛可用作柔延昌四年

皇甫驎墓誌銘不能換衆武亦折雄牙亦作柔用与此誌合
楊氏跋此誌疑誤殊深首引魏書賈彝傳乃云魏志賈詡傳
詡曹魏時人彝元魏時人雖詡亦藉姑臧而六世祖敷仕魏
始家廣川則浚非詡誤一以陽平王子頤弟衍為帝兄梁州
誤二不遇徐崔故臥龍睡伏釋睡疾誤三導俗邦邑釋導悅
誤四優柔六經釋優牙竝不知牙作柔用誤五罷祖之童敝
之字誤六誌云俄轉通直散騎侍郎直寢句方立効明世
直寢即直宿官氏志永興元年十一月置驎官四十人宿
直殿省比常侍侍郎則侍郎之職當直宿內廷明甚乃云直
寢方句致令費解誤七偉狽釋煒煌誤八攷古之難如是如

是

錫齡撰書孝昌二年李謀墓誌
容包甚偉亦正呂色為允

楊阿真造象記

石高二尺三寸廣一尺一寸五分
有側記刻側面行式如左正書

丙子歲之太清

普泰二年三月十五日清信楊阿真仰為世赫父母

一切衆生造石像一軀

姪雙席

清信趙保姬

佛弟子王天進供養

姪白女

清信郭石姬

佛弟子王阿緒供養

姪黑紇

清信趙阿妃

佛弟子王道暉供養

姪白紇

姪貴季

右按正面佛象旁刻丙子歲之太清六小字不解所謂

法義兄弟二百人造像

石上銳中間下狹略作橢圓形高四尺八寸中寬三尺蓋五分
下寬二尺七寸上截錫佛像四層共四十軀造像記在佛像下
右方十四行行十三字第層正中佛像有佛名一行六字題
名四列竝字徑四分正書第層稍左佛像有有字二行泐
甚不可識字較小佛像以最上層為第一層

維大魏永熙三年歲□□□□月癸未朔五日丁亥□□□□

□夫大覺遠方託靈禰以□神法□謝世守三乘以存教自非遠
鑿幽源寔能辨其由是以法義兄弟二百人等識攬玄宗敬宗正
法減割□財仰為皇帝 陛下今為七世父母營造微福如訪石
孤巖援珎玄谿□□妙手敬造尊禰一區二侍菩薩嚴姿超絕□

精崑寶光拂紫虛暉洞皎日崇髮鬋於幽蹤依怖於空谷者也緣
□微□願令亡者遊神西方淨□國土現□同福長保遐□一切
群生共沐□澤

此是定光佛出

六字在下層正中佛像右側

比丘□□

比丘惠進

比丘惠□

比丘□□

比丘□□

比丘惠□

比丘惠□

比丘智達

王牛

張伯周

王天言

王伯恭

楊安國

牟懷

楊禹生

王侯之

牟桃符

王德意

王□目

鄭客生

孟延興

楊仕之

楊慎之

王

樹生

王世興

已上第一列在
造像記左方

□□張□

□□□

□□琮

維那

張景

維那楊增福

維那張

□

維那王漢

□

維那楊

大維那鄭明維那楊□張萬孫張膝林□□

□楊安國王惠弥楊□□王延康王安國□可祖

王隻隣逢可□王惠之楊棒生楊雙鳥楊德林

□客生王信都楊影□鄭道延王□生趙文興張

弘柳辛恩洛楊檀生王祖□張賜陳天援已上弟

比丘尼法□比丘尼□□魯富珠鄭姪梁萸女

李戩同田勝姜凌伯□王智□楊□□展憐香達

桃生趙秀姜孫好□周好女□白□楊□姜□□

珠□□萸孫姜珠下空山石二字王顯賓王文達

王伯珎王祖興張世敬王阿隣楊統周楊承貴楊

仲琬

王重生

已上弟三列

□□□

□□□

楊□□

王□□

張銀姜

劉穎姿

杜□娥

張□□

□□□

孫□生

楊□□

楊□□

□□□

楊石留

下空十行

韓阿生

逢文王

王□□

楊文□

已上弟四列

右造像記□月癸未朔月上字泐据通鑑目錄永熙三年三月癸未朔則月上泐字當是三字題名第三列山石已下當是捐石人姓名梁美女美字當是英之列體違文王名絕奇

韓顯祖等造象記

石高七寸八分強廣一尺八寸二十行前十行界以棋格行十一字後十行題名字數不等正書

大魏永熙三年歲次甲寅六月壬子朔廿八日巳卯

行行一字至四字不尋正書

石岫

下缺

唯大魏

□□□□

下缺

夫真此

□□

非靈應

下缺

等性匪

□日

无

以證

下缺

智肇起於昏蝨之慮万

下缺

以或檀為首於是緣悟遵

下缺

既聞豪善將歸安不自力固

□

下缺

像主陽城洪懋邑主王

黨邑主秦

下缺

邑州餘人等自懼往樹因徹今違像

缺

慕金顏之

同□憚生死之靡濟將欲同竭愛河沾生有乘若不累寶侔於梨

剝珠玉埒於刻檀將何以表敬跡歸真祗圖趣本故共減衣滄仰

為 皇帝陛下袷基陰頴陽敬造石像一軀舉高一丈七始以心

今乃肇就功傾世巧用竭時 弘警豪若留影龍池觀狼若仁□驚

嶺顛此福資 主上聖昌百司賢明風和雨順國豐民泰三寶元
化四生蒙度同超危音齊證常樂 其辭曰

真換無象□顯汝情至道靡說始悟陸□異心羣顛同一性霑緣
懃先證行急□成由知自力共滅珍瓊雕容盡相□窮形福資
國主潤及群生同盡分□永隋大明

邑子陽 下缺

邑子陽 下缺

邑子陽 □ 下缺

邑子 □ □ 下缺

邑子陽 曰 下缺

夫釋迦軌道捨躬於飢歛庸愚建塔竭珍以崇法是以合邑之人
迭相殷率建立須弥塔石像二軀其碑曰

魏魏顯塔較根闔土光曜十方唯新豈喬哈氣之仗咸來懽懽
須弥塔主顯祖居士交仙

比丘曇越

象主韓法成 邑先尹超賢 邑子采猷 光明主董託世 邑

子邵詵 邑子宋黃奴 邑主李道 邑子張方國 邑子王愛

仁 象主陳忠 邑子平馬栓 邑子李伏業 唯那賈韶禧

邑子趙老權 邑子 唯那陳珍 邑子王尚 邑子

邑子張樹 邑子啟貴選 邑子 邑子李伯愛

邑子平思 邑子陳舍文 邑子張惠滕 邑子劉席 邑子

侯達杖 邑子益文貴 邑子趙暈業 邑子

右石左右各十行中列佛象下刻二人相對作跏趺坐中刻香鑪為鑪烟裊裊之狀庸愚之愚似原石有缺書石者故偏於左堦即塔之別體殷率與磬率同辭言數根間土即佛經間浮提洲哈氣之哈玉篇謂為以口軟飲今俗尚有讀呵氣為哈者此云哈氣之徒猶云含生負氣之徒耳諸邑子下有無名者乃原石未刻以平滑無有蝕處知之

錫於業造長今多作哈此哈字當印哈子

陽城洪懋等造石象銘

石廣二尺三寸下截斜斷左方長處存一尺七八寸界分兩層上層文二十四行行十五字下層題名今僅存首列左方十二

□子王□下缺

邑子□下缺

邑子下缺

邑子下缺

邑□下缺

邑□下缺

邑下缺

年月一行已缺攷魏書地形志洛州領陽城郡郡治陽城縣
郡置於孝昌二年縣則漢屬潁川晉屬河南後罷至正光中
始復記稱像主陽城洪懋則刻石在孝昌以後矣題名多陽

姓故或疑陽城亦人姓名但碑於王黨秦□必兩書邑主不
應像主二人獨不分列且文中有潁陽字潁陽亦陽城郡所
領之縣然則陽城為當郡縣名夫復何疑中多俗字魏碑皆
然不足縷舉惟祗圖之祗與源磨郎墳志中祗字頗同疑即
一字然以魏碑字體常例求之字書如祗祗祗祗等字皆與
文義不合竟不能定為何字此句敬字似屬衍文峯就之峯
當亦誤筆又紫四生蒙度度當為慶之誤文選西都賦度宏
規而大起度本作慶故善注謂與美古字通今本及後漢書
竝譌作度與此正同一誤

錫於紫微跡二字必有一衍文且
二句皆四字則祗即祗之誤

匄齋藏石記卷八

東魏一

孔僧時等造彌勒像

石高三尺五寸五分寬一尺六寸五分上錫佛像二層各一軀
下層二侍佛造像記十三行行五字至七字不等字徑六分正
書

□魏天平三年歲在丙辰正月癸

卯朔廿四日丙寅青州

齊郡廣川縣孔僧時兄□□人為亡父母□□勒石像□□父
母□□□□无量佛□□□為居家□□一切眾生普同□福願
之從心

李慧珙等造蓮華記

匄齋藏石記

卷八

一

石圓式周圍二尺六寸徑九寸三分內錫蓮花形八瓣瓣各三字字徑六分正書

李慧琳李慧進李慧琳李慧曰十二月天平三年歲次丙辰造

按翻譯名義集芬陀利此云白蓮華優鉢羅此云青蓮華優鉢羅盤那女生青蓮華中鉢特摩此云紅蓮華摩訶鉢特摩此云大紅蓮華拘勿投此云黃蓮華大論問諸牀可坐何必蓮華答牀為世間白衣坐法又以蓮華軟淨欲現神力能坐其上令不厭故又以莊嚴妙法坐故又如此華華臺嚴淨香妙可坐蓮華為禪門所重此云造蓮華以石刻作蓮華形又不云造象故書月於年歲之前尤金石例之甚新者

比丘惠暉造象記

石高一寸七分兩面刻字面廣八寸許共二十一行行三字正書

大魏天平四年正月廿八日比丘惠暉合眾敬造釋加石像一池并二菩薩願為國主師僧父母及善知識六道眾生永拔苦因生
生值聖明法悟玄速成正覺

李社李祥等造象記

石高一寸三分兩方刻字方各廣六寸記凡九行行二字題名人各一行正書

大魏天平四年二月朔敬造偉陀菩薩石像

李社 李祥 張始貴 支貞 王戶 趙嘉 王在室 鄧平

比丘尼曇超等造象記

石象高一尺二寸三分坐高三寸廣六寸記刻坐上正書

大魏天平四年九月八日比丘尼曇越比丘曇演敬造弥勒下生
以上四行二十五字在側面左

玉像一匝上額三寶常化國祚永隆又為師僧父母生緣眷屬一
切遍地俱至道場香火已義妙果同歸一時成佛 故記

以上九行四十六字在石之正面

比丘尼惠暈

以上一行五字在側面右

劉愔為亡兄造象記

石象上傘下袂高一尺二寸上寬一尺二寸三分下寬八寸記
刻佛坐下廣五寸一分高四寸六分六行十字十一字不等
正書

大魏天平四年閏月八日佛弟子甯朔將軍派州長慎為亡
兄宣閣敬造觀世音石像一區願亡兄託生西方妙樂世界不送
三塗值佛聞法一切衆生咸同斯福

按天平四年為東魏孝靜帝即位之四年歲在丁巳據通鑑
目錄閏月則九月也甯朔將軍為魏從第四品階州上一字
作派形北魏無派州疑是汾字長字僅存上半劃字亦蝕其
右帽字似從小旁作角魏制上上州有長史又直閣屬官有
朱衣直閣將軍之屬並見隋書百官志舊名五代史闕此石
作閣猶見古義說文閣所以止扉閣門旁戶也後

唯紀冊人等造石像記

石上載缺拍右高八寸許左高六寸廣一尺八寸兩面刻正書

魏天平四年歲次丁卯潤九月己亥朔十三日乙亥唯龍州人等
敬造石像一軀缺為皇帝陛下州郡令長中為師僧父母缺家眷
屬追地衆生普同斯福

飛道珙 張僧定 徐珠 王典固

卮桃棒 王萊 王方安

□顯伯 王惠世 王深帝

缺 牛閏牛惠威

缺 牛天執牛敬征

目 王惠日皮同貴

貝翔 王居 李神敬

年 王敬祖 王憶祖

又 竇保安 王曇蒲

上 牛神 周王道仙

以下缺 牛道階 王供尔

王方生 張清

丘法 缺

取道 由

紀益

以上正面

缺 主命過牛承

命過息牛道 爽

現存眷屬咸同斯福

光明主命過王貳僧

命過息王道端

缺存眷屬咸同斯福

菩薩光明主命過張承伯

現存眷屬咸同斯福

□ □

□ □

□ 解休

牛道桓

□脾以上背面

案天平四年歲次丁巳此作丁卯誤也既為己亥朔則十三日當為辛亥若十三日乙亥則當為癸亥朔攷是年九月為癸巳朔十月為壬辰朔則閏九月正是癸亥朔此作己亥又誤也古碑之紀月日疏率不足據往往如此而此碑並誤及年建則更謬矣道珎桃棒道由上一字均泐不可辨杌字爾雅釋木杌槩梅方言杌仇也說文則以為古文簋字皆非命名之義此當即俗機字機俗作机耳碑中王染虎與同時敬顯雋碑之聶染虎義橋石像碑之張染虎同名二碑具錄萃

編均經王氏標舉論及以爲即七虎今此碑又在南則王氏所未見也跋字字書無攷或即版字異文

劉實周造塔記

石四周磨損左下角尤甚高約一尺三寸強上寬一尺一寸下寬七寸十三行行十一十二字不等字徑六分正書

□□□□□□□□造塔

維大魏天平四年歲次丁巳十一月癸卯十九日巳酉青

州北海郡都昌縣人劉實周自慨彌淪生處凡俗竊聞經云惟福可恃即竭家財遠□名匠在四衢之內造均塔一軀□佛六菩薩達功已就上爲皇帝陛下州郡令長七世師僧生緣父母兄弟姊妹居家眷屬□義等上及十住菩薩下逮無邊衆生普同斯福

劉頌群 過神窟

右記云在四衢之內造均塔一軀涅槃後分經佛告阿難佛般涅槃茶毗既訖一切四衆收舍利置七寶瓶當於拘尸那城內四衢道中起七寶塔高十三層上有輪相均造瓦之具旋轉者也董仲舒曰泥之在均惟甄者之所為古有泥塔甄塔瓦塔均塔即瓦塔也又云上及十住菩薩唯識論它受用身由平等智示現妙淨功德身居絕淨土為住十地菩薩現大神通轉正法輪渡衆疑網令彼受用大乘法樂光明經我當安止住於十地十種珍寶以為腳足智論法慧說十住十方說十住者皆名法慧十方諸佛說十住与法慧說等此

云十住菩薩即唯識云住十地菩薩智論云十方諸佛也

法儀六十等造釋迦像

石上鏡下作橢圓形高二尺五寸三分寬一尺三寸六分上鑿佛像一軀八行行六字字徑六分正書像主題名五行一行在造像記末四行在造像記上方

大魏元像元年歲次己未四月甲申朔廿日癸卯法儀六十等敬造釋迦象一區為王帝主師僧父母法界衆生俱時成佛

大賚主趙化生

法儀趙法祚

已下四行在造像記上方行三字

法儀趙箱蘭

柳昭造象記

石象高一尺一寸六分坐高二寸四分
五寸二分刻坐九行字數不等正書

元象元年歲次戊午五月己未朔八日丙寅母使江南為女夫劉
還遠亡妻車綠支救造觀世音一軀已身七世同沾此福柳昭

右檢魏書孝靜帝紀元象元年二月丙辰遣兼散騎常侍鄭
伯猷使於蕭衍此云母使江南不知何說未署柳昭之名其
亦奉使江南抑隨伯猷同往不可知矣然母究為誤字

僧慈造白玉像

佛座高二寸寬三寸四分上刻佛像二軀記六行第二行六字
餘俱四字字徑五分弱正書

元象元年八月廿九日比丘尼僧慈為王父母造白玉像一區
安東將軍都蓋祿銘

石縱橫各八寸四行
二字每行七字正書

興和二年閏月廿一日齊州太原郡祝阿縣安東將軍前山荏縣
令郗蓋袂銘

右檢魏書孝靜帝紀興和二年是年為閏五月又地形志齊
州治歷城領郡六其六為太原郡祝阿山荏皆屬焉官氏志
四安將軍居第三品郗當為郗音締自晉以後為著姓其郡
望則兗州之金鄉與齊近郗君蓋官於鄉里者袂字字書所
無集韻有袂音姪其義與秩相通袂當為袂由刻者偶誤耳
銘後四行所界棋格如新平滑無迹而不著銘詞此自當時
未刻非蝕損也荏不作在在最得其正

錫於景武定二年王叔師述家有
此石橫八寸亦以是族為名

蔡雋斷碑 有陰

石下半斷 故見存高三尺二寸寬二尺七寸五分二十五行行
三十二字字徑六七分碑陰三十一行行九字至十七字不等
字徑五六分並正書類唐存下截中字蔡字及碑字右偏之下
半字徑二寸六分篆書陽文約計應高九寸寬一尺強

□ □ 中 □ □ 蔡 □ □ 碑 類

君諱雋字彥安陳留圉人也自塹原姬水構趾岐山杰雀表其祥

白魚應其感苞括下□ 茲 □ □ 仍此承家壽漢 □ □ 演丞相義

後漢衛尉質中郎邕等富仁 □ □ 銘 □ 宦下世祖連永嘉末東渡

江為散騎常侍司徒謨之第三兄也曾祖宋冠軍將軍陳留太下

運知機龍飛擇木亦既來 □ □ □ □ 賞乃為安北將軍殿中尚書

□ □ □ □ 居 □ 外下倫所重望實是歸王者之居不常取土乃與

運遷即安所寓今為□□□□人也下質雄才秀舉挾風雲之
資□志□上有從橫之氣未學軍旅與韓□□□宋□樊下山白
波之類所在互起黃巾青領之羣相望聞出君乃據守五源戴□
□暑□□□下煑餅□在君側人神同念建義之初參贊誠績乃
為千遠將軍□□□□加鎮遠將下復赴君之難唯力是視天
下大定預有其功乃封烏洛縣開□子食邑□百戶加舟將下相
勃海王天資秀出神或命世撥敵反正扶危定傾君乃繼繼遊從
□□夾贊常有武下隨山之効進爵為侯食邑八百戶乃除使持
節都督濟州諸軍事安東將軍濟州刺史下徒君乃秣馬底戈陳
師鞠放顧□□求應機制勝揚湯沃雪方此為遲頽山壓卵比茲

闕下起金勝未開反見疑□□目經略君既仕處蕃屏地當衝要奇
正並施□□森設深關下京邑空虛定策惟帷樹勳廊廟高□忠
存社稷功安區夏匡□濟民實天所相樊子鵠下行臺元子思等
運籌轉籌應期制敵振武鏗銳若春日之晞薄冰揚威才衆如秋
風之下節散騎常侍都督陽州諸軍事驃騎大將軍陽州刺史君
雄略素高威風□著□□肅下何多世屬慙憂干戈未戢經營四
方靡或寧晏將復折衝禦難追方邨之蹤關土攘狄下天平三季
七月庚子朔廿二日 薨於州國家追悼□加榮禮乃贈使持
節侍中司下如故諡曰威武公惟公居家至孝登朝盡忠神寓沖
曠識量高遠自笑方□與瑚璋等下無小而不為過無微而不改

兵權將略獨步一時□□□氣籠蓋當古其輕身重義下徂殺青
難久且勒鐘鼎貽諸長世其詞曰

天臨有周乃眷西顧雀書協祉鳳鳴膺祚光啟侯服弼諧王度建
國承家星羅雲布夫下榮踰周歲聲高具儵爰秉摩節寔列旌棨

抱衛含曹跨河據濟四馬徂徂六變禴禴下乃為羽翼遂成貞

幹載馳載馳如江如漢方金振聲比玉傳響行隨海運將搏風上

石下默依墳壑草生阡陌杳杳泉壤蕭蕭松柏無復春秋空勒金

大魏興和二季八月八日建碑

碑陰

司徒府佐人名如右

安東將軍濟州長史郭堯

鎮遠將軍司□辛如□

平南將軍長水校尉從事中郎許隆賓

前將軍射聲校尉外兵參軍柔道珍

前將軍席賁中郎將中兵參軍茹哲

安東將軍銀青光祿大夫騎兵參軍譚和

征虜將軍羽林監記室參軍徐文賢

冠軍將軍奉車都尉鎧曹參軍闕慶宗

冠軍將軍騎都尉鎧曹參軍趙威

冠軍將軍強弩將軍倉曹參軍桓文淵

鎮遠將軍積射將軍行參軍靈遺念

鎮遠將軍騎都尉行參軍倉常洛

鎮遠將軍積弩將軍行參軍李恩

鎮遠將軍殿中將軍行參軍燕育

平遠將軍羽林監左戶參軍鄧桃根

平遠將軍羽林監右戶參軍陸殷

征虜將軍中散大夫城局參軍扈起

平遠將軍積弩將軍長兼行參軍雷禧

平遠將軍積弩將軍長兼行參軍元業

征朔將軍奉車都尉長兼行參軍李林

靈遠將軍強弩將軍長兼行參軍尹林仁

中堅將軍騎都尉長兼行參軍王憲祖

伏波將軍殿中司馬督長兼行參軍史伯烟

伏波將軍殿中司馬督長兼行參軍董和

伏波將軍殿中司馬督長兼行參軍董雅

伏波將軍殿中司馬督長兼行參軍董方顯

伏波將軍殿中司馬督長兼行參軍母之迴

伏波將軍殿中司馬督參軍督護母之顯

伏波將軍殿中司馬督參軍督護□□高

伏波將軍殿中司馬督參軍督護李庫堆

東魏蔡雋碑新出土石為陶齊尚書所藏碑中斷惜失其下截凡二十五行額亦缺損按雋北齊書北史並有傳以碑證之多合唯傳稱廣甯石門人碑稱陳留圉人然碑中有運知機翻飛擇木之文又云王者所居不常厥土乃與運遷即安所寓下缺七字尚存人也二字此即序其祖由陳留圉遷於廣甯石門之事是碑先敘其郡望而後著其近籍也又傳稱雋轉揚州刺史天平三年卒於州北史同碑則作陽州此碑是而傳非也按地形志揚州晉亂置豫州劉裕蕭道成並同之景明中改揚州李昌中陷武定中復此壽春之揚州也梁書武帝紀普通七年十

一月克壽陽城以壽春置豫州太清元年以為南豫州此即地形志所云孝昌中陷者也北齊書文宣紀武定七年梁南豫州刺史皇甫裔以州內屬此即地形志所云武定中復者也若天平三年則壽春為梁地偽安得為此州刺史乎地形志陽州天平初置尋陷武定初當中復隋書地理志宜陽魏置宜陽郡東魏置陽州後周改熊州此地在今河南宜陽然則東魏天平初置陽州即以偽為刺史至武定五年侯景以河南降梁地入于梁及慕容紹宗破景地復入魏此即地形志所云天平初置尋陷武定中復者也梁書侯景傳太清元年景以河南十三州降梁中有揚州刺史樂恂此揚州亦陽州之誤壽春在淮南非河南梁書武帝紀作陽不誤蓋

自雋卒於陽州之後至樂恂為刺史遂同侯景降梁此於史文無不合者則雋為宜陽之陽州非壽春之揚州審矣而今本北齊書及北史皆誤陽為揚此由校書者不深於地理多見揚州少見陽州遂妄改之賴有此碑以訂其誤一字千金金石所以足貴也又按地形志朔州廣甯郡領石門縣在今山西平定州壽陽縣東北碑當出於壽陽尚書云碑出於磁州則不可解豈東魏已有卜地遠方之俗與

楊守敬士登金石跋

東魏蔡雋碑□山白波之類所在互起按漢書黃巾餘黨復起西河曰白波賊眾十餘萬碑蓋用此

况周頤香東漫筆

右碑不具姓氏而碑額中一行蔡字尚存定為蔡雋碑雋北

三書有傳而稍與碑不同碑云字彥安傳云字景彥碑云陳留圉人傳云廣甯石門人按廣甯石門為北魏新立郡縣蔡氏始初遷於此者若陳留圉實蔡之鵠貫後漢書蔡邕傳稱邕陳留圉人是其證也古來碑傳往往屬籍相歧使學者疑如段志玄碑云鄆平人傳云臨淄人褚亮碑云陽翟人傳云錢唐人皆以新鵠籍分書致異不尋槩稱碑是而傳謬也碑稱前漢□□□演丞相義後漢衛尉質中郎邕等皆雋之先世漢功臣表肥如侯蔡演演元孫丞相義碑演字上三字泐當是肥如侯三字義漢書有傳代楊敞為丞相衛尉質見後漢書蔡邕傳邕從父也碑稱世祖連永嘉末東渡江為散騎

常侍司徒謨之弟三兄世祖上字闕當是追稱其弟幾世祖
晉書無連傳謨傳事實多在元帝朝是為兄弟同時渡江之
證上距永嘉末數年耳傳稱雋父普拜甯朔將軍碑稱安北
將軍殿中尚書下安北下與甯朔字異詎同疑即雋父之職殿
中尚書為傳所弗詳耳碑云上賁餅下在君側人神同念建
義之初參贊誠績乃為平遠將軍下加鎮遠將下
將下當傳云高祖謀誅杜洛周雋預其計事泄走奔葛榮仍
是軍字背葛榮歸尔朱榮榮入洛為平遠將軍帳內別將與碑合碑
平遠將軍下泐五字其上四字當是帳內別將其下一字迺
與下句加字相屬耳加鎮遠將軍傳闕碑云赴君之難唯力

是視天下大定預有其功乃封烏洛縣開□子食邑□百戶
加前將下國將下傳云從平元顥封烏洛縣男與碑小異食
邑□百戶加前將軍傳竝闕碑云隨山之効進爵為侯食邑
八百戶乃除使持節都督濟州諸軍事安東將軍濟州刺史
傳云高祖平鄴及破四胡於韓陵偽竝有戰功太昌中出為
濟州刺史與碑合進爵為侯食邑八百戶使持節安東將軍
傳竝闕傳云胡遷等據兗州作逆偽與齊州刺史尉景討平
之碑云君乃秣馬底戈陳師鞠旅應機制勝揚湯沃雪即指
此事傳云武帝貳於高祖以濟州兵重欲令心腹據之陰詔
御史構偽臯狀欲以汝陽王代偽由是轉行兗州事高祖以

雋非臯啟復其任武帝不許除賈顯智為刺史率衆赴州雋
防守嚴前顯智憚之至東郡不敢前碑云金滕未開反見疑
□君既仕處蕃屏地當衝要奇正並施□□森設深關下即
指被構奪任嚴前顯智事其轉行兗州云云當在碑文斷疑
處傳云天平中為都督隨領軍異昭攻樊子鵠於兗州又與
行臺元子思討元慶和俱平之碑云匡□濟民實天所相樊
子鵠下行臺元子思等運籌轉弄應期制敵振武銑銳文雖
不全亦與史傳脗合据碑雋官終散騎常侍都督揚州諸軍
事驃騎大將軍陽州刺史陽州傳作揚州誤詳前守散騎常
侍驃騎大將軍傳並闕傳載雋所歷官唯從破葛榮除諫議

大夫不見於碑或亦在斷缺處傳云天平三年秋卒與碑合贈持節侍中都督冀州刺史尚書令司空公碑文司下泐字當是空字其都督冀州刺史尚書令之文當在司空下闕處持節碑作使持節碑額中字上二泐字當是故侍二字蔡字上二泐字當是都督二字蓋威武碑與傳合又按儒北史亦有傳有進爵為侯濟州刺史謚齊州餘與北齊書傳略同又按碑云□□煮餅□在君側漢書王莽傳莽按符命求粁賣餅者京兆王威以為前將軍崇新公碑蓋用此以比杜洛周也

僧道山造觀世音像

石連佛像高一尺七分佛座高二寸五分正四面寬四寸六分
兩側各寬二寸一分上刻佛像一軀記三面刻十四行四字
字徑五分正書

興和三年四月十五日比丘僧道山為國

已上刻佛座右側

王檀主父母

諸師後及己身故造觀世音像一區額福澤普施

已上刻佛座正面

法界

蠢□浮生皆蒙此益所願如是

已上刻佛座左側

右造像趙之謙補寰宇訪碑錄王文敏南北朝存石目竝著

錄舊在直隸正定

苑貴妻尉造像記

石象高八寸九分坐高二寸六分廣七寸五分
記刻坐上十行行四五字不等正書

興和四年九月十一日清信士苑貴妻尉為已息起肅敬造弥勒

像一區額亡息生；世；恒為眷屬目茲福祐一切誠佛額；從心

右按廣韻十三阮苑姓齊大夫苑何忌貴當為其後戰國策趙策賤息舒祺史記高祖紀臣有息女正義息生也謂所生之女單偁息則為子之通偁自漢及南北朝恒用之先人為老據顏氏家訓為北朝俗字生世之下各作；於偏旁者後漢書鄧騭傳章懷注古書當再讀者即於上字之下為小二字言此字當兩度言之是也誠成古通